

71.

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA*, QUOD LIBETARIIS DISPUTATIONIBUS manè discutienda, in Scholis Medicorum, die Martis vigesimâ mensis Februarii, anno Domini M. DCC. LXXVI.



M. JOSEPHO DE JUSSIEU, Regiæ Scientiarum Academiæ Socio;
Doctore Medico, Præfide.

An quamdiù serpit Gangræna, etiam à causis externis, amputatio non tentanda?

I.



ITÆ summa brevis quot patet insultibus! Quot mala undique præludunt funeri! Inter ea, non sævius ullum quàm Gangræna, quæ post exquisitos cruciatus, partem ex rubro in pallidum, & è pallido in lividum colorem conversam, flaccescentem, sensu prorsus destitutam, jamque fortentem abscondere cogit. Triste quidè remedium: Sed quid non patitur amor vitæ? Unica spes miseris, fontem pro salute totius corporis partem devovere. Saltem, si prosperè succederet semper tam miserandum auxilium. Sæpius enim præmaturè instituta Amputatio, Chirurgis malè cessit plurimis. Hinc artem, potius quàm suam imprudentiam incusantes, tot insausurum operationum causis non ritè perpensis, scalpellum ferramque projicere voluerunt*: Eùm interdum quidam sub felicioribus auspiciis easdem operationes quandòque mirabili successu exercentes, re-nuentes animos de novo excitârunt. Nec mirum: Illi laudabili quidem, sed parùm consulto sanandi desiderio delusi, cohibere serpentem Gangrænam incassum sperabant. Non profectò feliciores qui partem corpori necessariam, à morboque sæpius non lacerandam, solo viciniæ titulo plusquàm prudenti severitate secuerunt. Soli felices, etsi non prævisâ tam prosperâ fortunâ, qui, limitibus malo à naturâ jam circumscriptis, operationem instituere. Adeò verum est in omnibus prosperè succedere Medicinam, quoties monstrantis viam Naturæ vestigiis insisit, aut fida comes illius motus observat & oblatas indicationes adimplet. Gangræna, quam mortem partis non malè dixeris, sub duplici respectu considerari debet: Vel ut incipiens, & eam cum Galeno definire juvat, (præsertim quæ à causis externis oritur,) mortificationem non quidem factam, sed quæ sit, ob magnitudinem inflammationis; vel cum eò jam processit ut pars corruptione extincta & emortua sit, vitâ supersit in reliquis, tunc sphacelus audit. Sua in unoquoque gradu medela: Extremum remedium Amputatio. Sed ad fecandum rarò & inviti, deveniamus; nec unquam, si alia supersit adhuc Medicina.

* Sharp. Recherches critiques sur la Chirurgie. chap. 17x

II.

HORRENDA & carnificina foret illa Medicina, quæ ex causis & effectibus morbi exitum non dijudicans, auxilium, prout promptius licet anceps, in ferro & sanguinis profluvio haberet: dum è contrâ ex eodem retardato detur spes certior salutis. Medici non solum est considerare, quid ferat Natura, ut onus sublevare tentet; sed etiâ quid ferre recuset, ne eam in operationibus suis perturbet, aut intempestivè deferat. Quamvis sola quandoque sui ipsa medicatrix, sæpius tamen

* Auctore M. Nicolao JEANROY, anno 1764.

vi morbi opprimeretur, nisi auxiliatricem manum asserret Medicus. Hoc probant plures observationes, in quibus linea suppuratoria sponte in ambitu partis sphacelo corruptæ enata, mortuum à vivo separavit; tardè quidem: Citius enim & certius arte promoveri potuisset. Sæpius autem malè successisse amputationem probant recentiorum & veterum Historia, contraria eorumdem circa locum sectionis opinio, nec non quotidiana experientia. Hippocrates, Galenus & omnes veteres ad Hildani usque tempora, in parte mortuâ urendum vel secandum esse contendebant. Celsus, & post eum omnes Recentiores, proximè ad partem mortuam instituendam esse amputationem proclamant: Et inter eos Scultetus primus gloriatur, se manum sphacelo tentatam in radii & cubiti capitibus sanis, cum prospero eventu, amputare ausum fuisse. Scientiarum & artium incrementis semper obstiterunt præjudicatæ opiniones. In omnibus morbis faustorum & infauorum diversa ratio expetenda est à causis & earum effectibus: Ex iis solis recta potest insitui medendi methodus. Gangræna est humida vel sicca; utriusque speciei causæ innumeræ dividuntur in internas & externas. Hæ, circa quas potissimum versatur nostra propositio, corporum externorum injuriam agnoscunt. Inter eas præcipuæ sunt, percussiones, collisiones, vulnera graviora nervorum, tendinum, vasorum, membranarum, læsiones, ossium fracturæ, fistulæ, luxationes, compressiones, frigus ingens, &c. Internæ verò prave humorum diathesi eorumdem acrimoniarum, circuitui sanguinis abolito, uti in provecâ Senectute, &c. adscribuntur. Levissima circa has causas consideratio superabundè probabit, non scapello, ferrâ, vel igne, inflammationem longè ulteriùs sæpè progressam fedari posse, vel & ipsa Gangrænæ semina penitus destrui: nec operatione etiâ ritè administratâ tolli posse causam internam morbi, dilucidè & citrà omnem objectionem probaverunt celeberrimi hujusce Scholæ Magistri. * Quid tandem? Unum sibi proponit Medicina, partem scilicet mortuam à vivâ rescare, ut reliquis liceat securum vivere membris. Quem finem si non attingat, operatio erit infausta, ad minimum inutilis, sed sæpè exitiali & semper atrocissimo dolore lugenda. Extrâ temeritatis aleam ponet operantem linea suppuratoria in ambitu partis sphacelo correptæ exorta; haud secus ac cœlestis arcus procellâ jactatæ navi affulgens periculi finem portendit, & finit vela dari melioribus auspiciis.

* MM. Joannes Bessie, Bernardus de Jussieu, &c.

I I I.

SANGUIS intrâ sua vasa contentus, coactus, diutius aservatus, fermentatione quâdam ad dissolutionem corruptivam vergit. Eundem extrâ vasa effusum, stagnantem, rupto circulationis filo, nullo alioquin antea existente humorum vitio, unâ cum vasis omnis generis in putridum liquamen abire videntur omnes. Cunctæ igitur partes in quibus coactus, stagnans marcescit, eodem malo infici poterunt, & eò certius quò partes illæ majori sensibilitate donatæ & ad inflammationem magis pronæ, difficiliùs, vel resolutione, vel suppuratione liberantur; ipsa tandem Gangrænæ semina sæpè ulteriùs progressa, eo judicatu difficiliora quo partes illæ altiores insigunt radices, & solertem effugiant medentis operam. His omnibus attento animo perpenfis, unius aut alterius causæ dilucidatione evidenter patebit propositionis nostræ veritas, remque demonstrabit brevis graviorum collisionum historia. (Leves enim rarissimè tanto remedio indigent.) His sæpiùs læduntur omnes partes membrum constituentes, ne ossibus quidem exceptis. His contusis, sed non fractis, vasa quæ inter lamellas ossis fabricam constituentes decurrunt, vel comprimuntur, vel penitus destruantur: tunc hæ lamellæ influxu vitali deorbata necessariò separari debent. Disruptis tenerrimis vasis succum medullarem vehentibus, oleum istud rancidum fit, & acrimoniam acquirendo os totum cariosum reddit. Felix sanè, qui reliquis partibus aut sanis, aut ad sanitatem restitutis, tam gravibus affectibus sæpiùsque immedicabilibus certam amputatione medelam asseret. Sed & non minus portentosa post se trahere alias partes collisas phænomena, edocebit eorum natura, positio, & observatio. Periosteum, membranas, nervorum, tendinum vasorumque vaginas exquisitissimo sensu donari probat eorum textura. Fibris enim innumeris vario ordine positis, & ætissimè unitis constantur, quarum nulla fieri potest divulsio aut dilaceratio sine

atrocissimo dolore: Vasis præterea omnis generis irrorantur, in quibus èd difficilius est resolutio, vel suppuratio, quò tenuiora sunt & magis conficta. His duabus de causis adaugetur obstructio, propagatur inflammatio. Partes illæ præterea, vel ossa immediate involvunt, vel iuxta ea repunt; vel tandem plerisque si non omnes partis musculos, & unamquamque fibram involvendo, à trunci infimâ parte ad pedem usquè perrepere & cum aliis communicare, demonstrat Anatome, uti v. g. in fasciâ latâ. Non mirum igitur si hisce confusis, aut vulneratis, partes à loco læso maximè diffusas suffocatas fuisse observatum fuerit. Nec his effectibus repugnat aliarum causarum, phenomenorumvè explicatio. Ex his celebrandæ iterum amputationis diram necessitatem argue. Quis igitur his ritè pensitatis, pusillum ichore flavo, vel subrubello plenam, solum panniculum adiposum occupantem, sectionis locum assignare ausit? Nec vanæ considerationis sunt, Gangrænæ semina quæ non penitus ablata fuerunt, aut magnæ suppurationes, tristes reliquæ inflammationis non sedatæ, quæ partis cæcæ carnes depascendo ossis extremitatem idendunt. Faciâ in ambitu partis sphacelo correptæ suppuratione, tot adversorum casuum metus evanescit. Prudenter igitur naturæ edocenti obtemperemus, divitiisque artis cautè opitemur, ne curatio vulneris gravior ipso vulnere fiat.

I V.

CELERITAS quâ serpens Gangræna vicinas partes labe suâ inficit, naturalis horror à destructâ parte proveniens, non mirum si olim ægrum & medentem, pari formidine percussos consilii inopes fecerint. Hinc temerè & inconsultè instituta operatio: Hinc tandiù neglectæ notiones quæ ex repetitis observationibus & naturæ consideratione ultrò decurrebant. Multa tamen apud Autores prostant exempla partium redditarum quas Gangræna jam occupaverat. Boerhaavius talem casum narrabat auditoribus suis*. Chirurgus non infimæ notæ ad vitam revocavit brachium ab ictu baculi penè emortuum**. In operationibus Bubonocoeles quid vulgatiùs quàm intestinum lividum aspectuque sædum, tamèn in proprias sedes repositum, revalescere? Non minus constat ex plurimis observationibus, solius vi naturæ partes sphacelo sideratas à vivis separatas fuisse. Sic artus ab urenti frigore Gangrænâ corruptos spontè separari vident hyperboreæ Gentes. Sic homini bonæ temperici in parte mediâ internâ & inferiori brachii dextrî vulnerato, brevi postea cubitus sideratus apparuit, totaque pars interna brachii usquè ad distantiam quatuor digitorum transversorum ab axillâ nudata, cum aliis partibus corruptis secessit*. Talia benè multa legere est apud innumeros auctores**. Quis post tot observationes desperet, si artus vis naturæ iniuriat, exoptandum finem attingi posse? Feret omne punctum, qui in his potissimum duobus sedulo immorabitur: Vel partem emorientem ad vitam revocare tentabit; vel si planè sit curationis expes, conclamata à sincerâ rescindit. In primo casu duo indicantur: 1º. Operæ pretium est inflammationi obistere, prociil amovendo quæcumque illam fovere possunt, v. g. corporum externorum, si quæ sint, extractione, sedando sanguinis impetum, nimis æstuantem compefcendo, debitam liquidis fluiditatem conciliando, exlegem solidorum tensionem minuendo, partes tandèm contractione suffocatas relaxando. 2º. Partes languidas refocillare & ferè extinctam in parte vim vitæ revocare opus est, humorumque stagnantium corruptio præcavenda. Hæc omnia præstant, pro re natâ plus aut minus iteratæ sanguinis missiones, diluentia interna, medicamenta antiphlogistica, non neglectis circumfomentis modò emollientibus; modò spirituosis & resolventibus, modò tandèm parvæ quasi contractione strangulatæ scalpello solvantur. In altero casu, si morbus ultimus gradum attingerit, Medicina spem vetat abicere omnem. Tunc in eo totus cardo versatur, ut pars emortua à vivâ separetur. Mutuam autem cohesionem dirumpere, nil efficacius valebit quàm inducta conterminis partibus suppuratio. Cum enim suppuratio sit inflammationis terminus præ gangrænâ exoptandus, èd ducere oportet viciniam partis sideratæ. Si vigeat igitur inflammatio, prædictis auxiliis minuenda, aut si langueat, excitanda; tuncque juvant tonica, cardiaca, & mire præstat inter-nus Kinakina usus.

* Vanfwier.
Comment. in
Aph. 336. p.
155.

** La Motte,
Tom. III. p.
405.

* Duvernai,
in Adis Aca-
dem. Scient.
ann. 1702.

** Vid. Bel-
loste, Chi-
rurg. d'Hôp.
cap. 15. pag.
182. La Mor-
te, Tom. III.
p. 165.

AMPUTATIONEM determinavit ab omni ævo inducta opinio succorum gangrænâ infectorum præsentia, pari labe vicinas partes immediatè infici. Sed vnum terrorem arguit deductum ex ipsius rei naturâ ratiocinium. Vitiatos & quantumlibet putres succos vicinis partibus gangrænâ adducere quis putet, nisi in sanas carnes irrepant, sincerisque humoribus immisceantur? At verò quid fiet? Si putridi succi datâ portâ foràs liberè disfluant, ut accidit naturæ beneficio, aut scarificationum ope, quarum tunc mirabilis effectus modo ad vivum usque non producantur. Item si vigeant carnes vicinæ, & quasi injectis catenis, vis eorum tonica omnem malo aditum præcludat. Tunc gangrænæ levis erit actio in partes vicinas, tunc graves eò recident minæ ut suppuratione excipiendâ enascatur inflammatio. Hujus beneficio magis adhuc excitata partium vis tonica quâ pus extrorsum pellitur, eo ipso cum gangrænâ nodeis omne vetabit commercium. Non jam putribus succis labem intrò ferre licebit in partes quarum nullus dabitur contactus, sicque æger tutus erit ab ulterius progredientis gangrænæ periculo. Nec dicant ex partis sphacelo correptæ infesto odore grave periculum aut ipsam mortem ægro imminere, dum expectat tardè festinantem suppurationis operam. Cum enim partes fideratæ sint vitæ prorsus inutiles, imò noxiæ, nihil vetat partis conclamatæ sportionem maximam ferro abscindere: superstitem contegant lineæ spiritu vini madida, sicque evanescit periculum. Ast obijciunt moram temporis elapsi, antequàm optata maturescat suppuratio: sed frustra; si certiorem detur ex ipsâ morâ spem salutis concipere. Et reverà quidem, quæ prius inculcata erat humorum crasis per morbi decursum debuit vitari, aut saltè à recto paulùm deflectere & immutari ab atrocitate dolorum, somni & quietis defectu, febris exandescentiâ, diversis tandè morbi symptomatis & effectibus. Frustrâ enim bonum speraveris operationis eventum, antequàm dietâ convenienti & analeptica suæ reddantur humoribus dotes balsamicæ. Hæc omnia requisita cum præstitit Medicus sat citò operationem præcipit, Chirurgus tutius operatur, æger tandem confidentius necessaria operationi sese committit, & funeratæ sui ipsius parti superstes redditur.

Ergo quamdiù serpsit Gangrænâ, etiâ à causis externis, amputatio non tentanda.

DOMINI DOCTORES DISPUTATURI.

M. Cosma - Augustinus
LÉZURIER.

M. Achilles Guillelmus
LEBEGUE DE PRESLE,
Eques & Censor Regius.

M. Edmundus-Thomas MOREAU.

M. Nicolaus JEANROY,
Bibliothecæ Facultatis
Præfectus, Regii Medi-
corum Collegii Nanceia-
norum Socius honora-
rius.

M. Casar COSTE, Cen-
sor Regius.

M. Ludov.-Petrus-Felix-Renatus
LE THIEULLIER, utriusque
Pharmacis Professor designatus,
Facultatis ex-Decanus & Acad-
Censor, Regis Consiliarius & in
Majori Consilio, necnon in ma-
gnâ Regia Domûs & Franciæ
Præfector Medicus ordinarius.

M. Augustinus ROUX,
Regiæ Societ. Rei Agra-
riæ, necnon Regiæ Scien-
tiar. Academ. Burdigal-
ensis Socius, in Scholis
Medic. Chemiæ Professor.

M. Petrus-Joannes-Claudi-
us MAUDUYT DE
LA VARENNE.

M. Petrus - Ludovicus - Maria
MALOET, Galliarum Princi-
pum Medicus Primarius.

Proponebat Parisiis DEODATUS JEANROY, Tullensis, Doctor Medicus
Nanceianus, necnon Saluberrimæ Facultatis Medicinæ Parisiensis Baccalaureus,
A. R. S. H. 1776, à sextâ ad meridiem.

Typis QUILLAU, Saluberrimæ Facultatis Medicinæ Typographi.